

風俗通義

一

Z121.6
1
(10)

風俗通義

姓氏篇附

逄深署



潮陽鄭氏用羣書拾補盧校刊

欽定四庫全書提要

風俗通義十卷附錄一卷漢應劭撰劭字仲遠汝南人嘗舉孝廉中平六年拜泰山太守事蹟具後漢書本傳馬總意林稱爲三國時人不知何據也考隋書經籍志風俗通義三十一卷註云錄一卷應劭撰梁三十卷唐書藝文志應劭風俗通義三十卷崇文總目讀書志書錄解題皆作十卷與今本同明吳瑄刻古今逸史又刪其半則更闕畧矣各卷皆有總題題各有散目

總題後略陳大意而散目先詳其事以謹案云
云辨證得失皇霸爲目五正失爲目十一愆禮
爲目九過譽爲目八十反爲目十音聲爲目二
十有八窮通爲目十二祀典爲目十七怪神爲
目十五山澤爲目十九其自序云謂之風俗通
義言通於流俗之過謬而事該之於義理也後
漢書本傳稱撰風俗通以辨物類名號識時俗
嫌疑不知何以刪去義字或流俗省文如白虎
通義之稱白虎通史家因之歟其書因事立論

文辭清辨可資博洽大致如王充論衡而敘述
簡明則勝充書之冗漫舊本屢經傳刻失於校
讐頗有譌誤如十反類中分范茂伯邳朗伯爲
二事而佚其斷語窮通類中孫卿一事有書而
無錄怪神類中城陽景王祠一條有錄而無書
今竝釐正又宋陳彭年等修廣韻王應麟作姓
氏急就篇多引風俗通姓氏篇是此篇至宋末
猶存今本無之不知何時散佚然考元大德丁
未無錫儒學刊本前有李果序後有宋嘉定十

三年丁黻跋稱余在餘杭借本於會稽陳正卿
正卿蓋得於中書徐淵子譌舛已甚殆不可讀
愛其近古鈔錄藏之攜至中都得館中本及孔
復君寺丞本互加參考始可句讀今刻之於夔
子好古者或得舊本從而增改是所望云則宋
寧宗時之本已同今本不知王氏何以得見是
篇或卽從廣韻註中輾轉援引歟永樂大典通
字韻中尙載有風俗通姓氏一篇首題馬總意
林字所載與廣韻註多同而不及廣韻註之詳

蓋馬總節本也然今本意林無此文當又屬佚
脫今採附風俗通之末存梗概焉

風俗通義序

昔仲尼沒而微言闕七十子喪而大義乖重遭戰國
約從連橫好惡殊心真偽紛爭故春秋分爲五詩分
爲四易有數家之傳並以諸子百家之言紛然殺亂
莫知所從漢興與儒者競復比誼會意爲之章句家有
五六皆析文便辭彌以馳遠綴文之士雜襲龍鱗訓
註說難轉相陵高積如丘山可謂繁富者矣而至於
俗間行語眾所共傳積非習貫莫能原察今王室大
壞九州幅裂亂靡有定生民無幾私懼後進益以迷

昧聊以不才舉爾所知方以類聚凡三十一卷謂之風俗通義言通於流俗之過謬而事該之於義理也風者天氣有寒煖地形有險易水泉有美惡草木有剛柔也俗者含血之類像之而生故言語歌謳異聲鼓舞動作殊形或直或邪或善或淫也聖人作而均齊之咸歸於正聖人廢則還其本俗尙書天子巡狩至于岱宗觀諸侯見百年命大師陳詩以觀民風俗孝經曰移風易俗莫善於樂傳曰百里不同風千里不同俗戶異政人殊服由此言之爲政之要辯風正

俗最其上也周秦常以歲八月遣輜軒之使采異代
方言還奏籍之藏於密室及嬴氏之亡遺脫漏棄無
見之者蜀人嚴君平有千餘言林閩翁孺才有梗概
之法楊雄好之天下孝廉衛卒交會周章質問以次
注續二十七年爾乃治正凡九千字其所發明猶未
若爾雅之閔麗也張竦以爲縣諸日月不刊之書予
實頑闇無能述演豈敢比隆於斯人哉顧惟述作之
功故聊光啟之耳昔爲齊王畫者王問畫孰最難最
易曰犬馬最難鬼魅最易犬馬旦暮在人之前不類

風俗通義
不可類之故難鬼魅無形無形者不見不見故易今
俗語雖云浮淺然賢愚所共咨論有似犬馬其爲難
矣并綜事宜於今者孔子稱幸苟有過人必知之俾
諸明哲幸詳覽焉漢太山太守應劭撰

風俗通義目錄

皇霸卷第一

三皇

五帝

三王

五伯

六國

正失卷第二

樂正后夔一足

丁氏家穿井得一人

封泰山禪梁父

葉令祠

燕太子丹

孝文帝

東方朔

淮南王安神仙

王陽能鑄黃金

宋均令虎渡江

彭城相袁元服

愆禮卷第三

九江太守武陵威

大將軍掾燉煌宣度

山陽太守汝南薛恭祖

弘農太守河內吳匡

河南尹太山羊翮祖

太尉郝子廉

南陽張伯大

風俗通義 目錄 二
公車徵士汝南夏甫

公車徵士豫章徐孺子

過譽卷第四

長沙太守汝南郅憚

司馬潁川韓稜

太原周黨

汝南陳茂

度遼將軍皇甫規

南陽五世公

汝南戴幼起

江夏太守河內趙仲讓

十反卷第五

太尉沛國劉矩叔

陽翟令左馮翊田輝

汝南范滂孟博

東郡太守汝南范茂伯

安平相汝南郅朗伯

巴郡太守太山但望伯門